

EN NOUVO KAPTENN POUR DIRIZ PARTI LEPEP



Zanmen Parti Lepep in deza napa en kaptenn. Prezidan René in swiv par Prezidan Michel. Sanmdi Kongre in elekte Prezidan Vincent Meriton. I ti zwenn Komite Santral pandan venteinyenm Kongre Nasyonal Parti Lepep le 2 Avril 2005. E son eleksyon koman nouvo Prezidan Parti Lepep i koensid avek 53zyenm laniverser

SPUP/SPPF/Parti Lepep.

Dan son diskour kot klotir sa Kongre ki'n elekte li koman Prezidan Parti Lepep, Msye Meriton in dir fyerman ki i pe al kontiny larelev pour sa parti ki pli popiler, pli for, pli vye parti politik dan Sesel, en parti ganyan, sel parti sanzman- PARTI LEPEP.

I'n dir ki sa Sesel ozordi, se fri travay de manm fondater Parti

SPUP/SPPF/Parti Lepep, Msye France Albert René e Msye James Michel.

« Sakenn in annan son stil dirize, sakenn in bezwen fer fas avek defi zot letan. Me tou le de dirizan in annan lasazes pour refleisir, pour azir, e pour adapte. Nou tou nou konnen ki realite politik, ekonomik, e sosyal Sesel pa sirkonstans 1976. Letan in sanze. Konteks ki nou pe travay ladan pa konteks 2008.

Ozordi, nou pe viv e travay dan Sesel 2017. E nou Parti, i bezwen vin avek en lapros ki reflekte nou letan, ki adres sanzman 2017. Me Parti Lepep pa'n zanmen rekile devan defi, pa'n zanmen per sanzman.

Pour bann ki doute mon dir 'Tenir For, Pa Large'. Pour bann ki annan lenkyetid, les mwan rapel

zot ki 'kaptenn pou touzour la.' » Prezidan Meriton ti dir bann partisipan kot klotir sa kongre.

« E ozordi Parti Lepep i dir : Arive sa ki pou arive, Ncu'n pare. Pare pour kontinyen servi lepep, pare pour fer fas avek defi ki sa moman istorik in prezant nou, » i ti azoute. Nouvo Prezidan Parti Lepep in dir ki malgre ki ozordi i annan dimoun (Kont...p2)



Trwa manm sa nouvo Komite Santral i absante dan sa portre, Msye Didier Dogley, Msye Sebastien Pillay e Madanm Jeniffer Jasmin-Vel

NOUVO KOMITE SANTRAL

31yem Kongre Nasyonal Parti Lepep, Sanmdi le 3 Zen 2017, in elekte en nouvo Prezidan pour Parti Lepep, e osi en nouvo Komite Santral ki konpri 26 manm, dan en proses elektoral ki'n ganny fer dan latransparans, anba direksyon Madanm Laura Valabhji. Son lanmen Dimans le 4 Zen 2017, nouvo Prezidan Parti Lepep Vincent Meriton ti apwent Madanm Macsuzy Mondon koman nouvo Sekreter Zeneral Parti Lepep, Msye Simon Gill koman nouvo Depite Sekreter Zeneral e Msye Sebastien Pillay in ganny apwente nouvo Sekreter pour Kominikasyon lo Komite Santral.

EN NOUVO KAPTENN POUR DIRIZ PARTI LEPEP

(Kont...p1)

ki oule ziz listwar avek bann standar e mezir 2017, person pa pou kapab sanze ni efas listwar.

« Nou enterprete, nou diskite, nou dezagree. Me Parti Lepep i dir listwar a zize- Ler ozordi i regard sa nasyon ki oze debout, kritike e proklanm son drwa koman en seselwa nenport ki son kouler, stati, e lopinyon politik. Listwar a zize, ler sa zanfani ki pe grandi ozordi, ki pran koman en fe akonpli, sa pei loporinite ki Parti Lepep in konstrir. E listwar a zize atraver prensip lazistis sosyal Parti Lepep, ki zonn ou fanm, zenn ou aze, i annan plas dan Sesel pour zot.

Parti Lepep i sa parti ki nou annan loner pour reprezante, » Prezidan Vincent Meriton ti dir.

E ti azoute ki Parti Lepep i en Parti ki pou Seselwa. «I en Parti ki'n toultan o servis lepep, pare pour reponn lapel listwar, pare pour fer sanzman ler i neseler. En Parti ki'n toultan o servis lepep, pare pour reponn lapel listwar, pare pour fer sanzman ler i neseler. »

Prezidan Meriton in osi fer kler ki Parti pa pou zanmen abandonn son prensip. Parti Lepep i konnen kote i sorti. I konnen ki i egziste pour servi, ki son lafors i dan son dimoun, dan bann zonn ek fanm, dan nou bann zenn e dimoun aze, dan tou Seselwa.

« Lafors Lepep se pa en endividi. Lafors Lepep i son prensip ki son bann fondater in ankre dan limazinasyon nou nasyon. En prensip ki fonde lo linite, fraternite, egalite, kot napa person ki pli gran ki lezot ou kot serten i ganny kit deryer...

...Ozordi, plis ki zanmen, i enportan ki nou renouvle valer sa bann prensip atraver nou Parti. Parti Lepep i reste sa Parti ki pou kontinyen travay pour elev standar lavi tou dimoun ; depi bann vilnerab ziska bann profesyonnel, bann pti biznes ziska bann gran lantrepriz, bann zenn ziska bann dimoun aze. »

Prezidan Parti Lepep i lans en lapel pour siporter : « Debout e azir. Annou debout e met nou lentere personnel, lorgey e larogans de kote. Annou debout pour

remet nou Parti e son bann prensip ki pli gran ki nou tou, premye. Annou debout pare pour sanz nou lapros travay. Annou debout, pare pour servi, pare pour kontinyen travay pour elev standar lavi sak sitwayen. »

Parti Lepep i en Parti sanzman i rekonnet ki ozordi dan sa Sesel 2017, i annan en lot lapros travay. Nou vwar sa dan fason travay Prezidan Faure. Kot i konsilte, kot i anmenn dimoun ansanm e pe montre ki i kapab travay avek tou Seselwa, pe enport ou lapartisans politik.

« Se pour kwa ki ozordi nou dir ki Prezidan pei pa bezwen neselerman prezidan son parti politik. Prezidan Faure i senbol linite nasyonal nou pei. Nou misyon se donn li tou nou sipor. E annou les gouvernman travay.

Nou Parti i ozordi annan 53 an. Annou sezi sa moman istorik pour dir ki nou'n pare pour servi lepep. »

“NOU LALIT I KONTINYEN”

-Prezidan Onorer Parti Lepep, James Michel

Prezidan sortan Parti Lepep in dir ki i enportan pour nou respe Prezidan Larepublik Sesel ki annan en lalit pour anmenn plis progresse pour nou pep. « Prezidan Danny Faure pe diriz pei dan sa direksyon. »

Prezidan James Michel ki'n vin Prezidan Onorer Parti Lepep, in osi rann omaz merite Prezidan France Albert René. « Mon oule eksprim li mon gratitud ek mon rekonesans senser pour tou sa ki in fer pour nou pei, pour nou Parti e pour mwan personelman. I'n toultan en sours lenspirasyon pour mwan. Se li ki'n enspir mwan pour zwenn avek sa bann revolisyoner ki ti konbat pour nou lendependans ek nou liberasyon. Se li ki ti fer mwan vin en revolisyoner. Se Prezidan René ki'n gid mwan dan mon karyer politik e profesyonel. Ozordi, o-moman ki mon pe kit definitivman lavi politik nou pei, mon rekonnèt son kontribisyon, son travay, son gidans, e mon pa bliye pour dir li en tre gran mersi. »

Prezidan Michel in egalman koz lo Parti Lepep, sel Parti ki fer sanzman. "Letan i'n sanze. Sitiesyon politik i'n sanze. Me nou pou kontinyen milite – malgre tou lobstak ki devan nou – pour sa ki nou krwar ladan. Nou pou kontinyen milite pour linite nou pep. Pour lape. Pour solidarite ant tou Seselwa. Pour dinyite ek prosperite nou nasyon. Nou pou kontinyen milite pour Parti Lepep.

Vincent: sa nouvo manda ki ou fek resevwar pour diriz nou Parti, itiliz li byen. Itiliz li sanzman. I annan bokou tirbilans devan nou. Koman en veteran SPUP/SPPF/Parti Lepep, koman en senp Seselwa, en senp Seselwa ki konsernen pour lavenir son pei, mon dir ou pa zanmen tonm dan pyez

lopozisyon. Ou ki'n sorti dan rasin SPUP, ou ki'n swiv parkour nou Parti ek nou pei, ou ki en zanfan lalit e prodwi travay nou Parti, ou ki'n konn mizer ek lalit nou pep ... pa zanmen les person detri sa Parti e sa ki nou pep i'n akonpli.

Nou met tou nou konfyans dan ou ek ou lekip

I annan en gro travay devan ou ek ou lekip. Tenir for. Nou Parti i annan konfyans dan ou. E ler ou annan konfyans lepep napa nanryen ki enposib.

Napa nanryen ki enposib ler se nou parti politik ki pli for dan pei. »

Prezidan Onorer Parti Lepep in demann tou liderz ek aktivis Parti pour toultan reste konekte avek lepep. Pa zanmen neglig dimoun. I ti dir ki nou

pour son Parti.

« I pa aköz mon'n pran mon retret koman prezidan Parti Lepep, i pa aköz Prezidan Danny Faure pa'n prezant son kandidatir pour eleksyon koman Prezidan Parti, ki sa i ganny persevwar koman en sinny labandon. Mon dir zot klerman: bato Parti Lepep i'n senpleman sanz lekipaz. En nouvo lekipaz ki pou kontinyen sa travay ki nou'n komanse. Ki pou batir lo sa travay. Avek en nouvo fason travay pour reponn a-laspirasyon nouvo zenerasyon.

Mon'n fer tou sa ki mon ti kapab fer. Mon'n fer li pour Sesel. Mon pou kontinyen fer tou sa ki mon kapab pour Sesel. Defann e promouvwar serten lakoz ki pou kontribye anver develop-



Parti i sakenn antre nou. Nou Parti i bezwen nou tou. Nou bezwen travay dan menm direksyon. Kolektivman e nonpa endividuelman. Dan linite, dan lord ek lape. Dan respe pour bann lensittisyon Leta, ki a labaz nou demokrasi.

I ti dir ki 53an Parti Lepep i reprezant lazistis sosyal, laliberte, eliminasyon diskriminasyon, legalite, lespwar, konbativite, rezilyans, inovasyon, sanzman, enklizivite, lord ek lape, linite nasyonal, laliberte, fraternite ek solidarite, progresse, developman ek emansipasyon tou Seselwa.

Prezidan Michel apre plis ki 40an, i sed lapias avek en nouvo zenerasyon Parti Lepep, avek en sans devwar akonpli. I'n donn tou pour son pei. Tou

man ek lavenir nou pei. Me mon pou fer li dan en kapasite prive, san enterfer dan travay person. Mon pou fer li aköz mon annan ankor lenerzi. E bokou gou pour lavi. Mon pou fer li aköz mon krwar dan lavenir Sesel. Mon swet zot bokou kouraz, bokou sikse, dan sa gran lantrepriz ki devan zot.

Mon pe retir mwan koman lider Parti Lepep, permet mwan repet sa verse Nouvo Testaman ki mon ti site zour mon ti kit fonksyon Prezidan Larepublik le 16 Oktob 2016: 'Mon'n konbat bon konba, mon'n fini lakours, mon'n gard lafwa'.

Ser Frer ek Ser Parti Lepep, Ankor ennfwa, tenir for – pa large! »